

廣文書局印行

史料  
編七

道咸同光四朝佚聞

金 梁 撰

七史  
編料  
道  
咸  
同  
光  
四  
朝  
佚  
聞

廣文書局印行

中華民國六十七年三月初版

道咸同光四朝佚聞

版權所有  
不准翻印

撰者

金

梁

發行人

王

道

榮

發行所

廣文書局有限公司

經售者

全國各大書局

精裝一冊定價：新台幣

\$220

元

行政院新聞局局版台業字第零捌叁貳號

台北市羅斯福路二段九號之三  
郵政劃撥二一九九帳號  
電話三四一九六六〇號

本書承 國立中央研究院  
惠借影印書稿謹此致謝

#### 四朝佚聞叙

余校刻清史。兼修列傳。主纂光宣。間及咸同。正本既成。所餘史料。尙復不少。束之高閣久矣。今偶檢得數卷。自帝后諸王。以至名臣名將。無不有之。蓋史館初稿。皆以實錄國史爲本。並采官私雜著。摘鈔彙輯。各注出處。先成長篇。然後加以筆削。有潤飾而無改竄。且不得率增辭句。妄下褒貶。務成信史。所錄有未全用者。仍別存備查。卽余所檢得之稿本也。其中遺聞佚事。關於咸光數朝者爲多。而與光宣列傳。及清帝后外紀等。皆絕不雷同。亦研究清故者。所不可不知也。遂重取編輯。彙爲一冊。題曰四朝佚史。又辛丁遺逸。新舊名流。續有聞見。亦不忍聽其湮沒。而對於史稿。或有責問。時復答辨。尤不妨公之於世。近歲雜草。並錄於後。要之皆與四朝史事有關者也。昔萬季野修明史。自言恐後之人。務博而不知所裁。故先爲之極。使知吾所取者有所捐。知此。可讀吾之史稿。並可

讀吾之佚稿矣。噫。

丙子立秋

息侯金梁

四朝佚史目錄

上卷  
文宗

穆宗

德宗

宣統  


慈安太后

慈禧太后

慈禧微時

那拉氏

同道堂印

嘉順皇后

隆裕太后

恭王弈訢

醇王奕譞

僧忠親王

端王瑞王

慶王奕劻

肅王善耆

監國攝政王

洪秀全

曾文正

塔忠武

汪梅村

戴文節

邵歐齋

文文忠

胡文忠

左文襄

李文忠

一隻眼

富明阿

新順清

翁文恭

盛伯義

景善日記

毓賢

孫文正

仕學館

豫學堂

浙學堂

南海毓坤會

頤和園

萬牲園

雍和宮

八旂先賢祠

黨人

國喪

阿哥所

皇室博物館

寶頂

崇陵

張人駿

張順兒

劉廷琛

萬繩紱

梁黼子

陳毅

張鎮芳

趙次帥

次帥佚事

吳大舌頭

秦樹聲

韓樸存

爽召南

袁珏生

劉學士

孫守正

一條龍

許九畹

清子蔭

劉伯紳  
殿葵甫

小李廣

錢名山

汪兆鏞

沈節士

胡漢民

章炳麟

唐紹儀

千叟會

下卷

清史稿回憶錄

光宣列傳書後

咸同列傳

重印文苑傳叙

重印

忠孝

義傳叙

抱冬小識叙

一山詩存書後

徐魯三迴齋尺牘叙

陳一甫造象記

周緝之壽序

贈盧慎之序

胡季樵詩文書後

虞洽卿壽言

私淑女弟子

赤鼠隨筆

故侯瓜自叙

天人通叙

天人通跋



四朝佚聞

卷上

文宗

世傳文宗與太平軍相始終。最奇者。文宗生於基福堂。堂內懸有洪範五福扁額。故監侍多稱洪福堂。若預爲洪氏先兆者。已奇矣。而文宗方卽位。洪卽起事金田。咸豐改元。洪亦建號太平天國。及文宗崩。而洪亦旋歿。遂復江南。抑何其巧。奇哉。天生洪氏。若故與文宗爲難。然非文宗之才識。亦不克平亂。其時外患內憂。交迫而至。洪軍連占至十數省。英法聯兵。南北並擾。文宗用人不疑。當機立斷。屢瀕絕滅。卒挽危亡。而碌批手勅。剗切感人。尤不可及。天假之年。中興立致。後來隱患。何自起哉。又傳文宗臨命時。兩后以軍事爲憂。帝曰。大亂卽平矣。憂不在此。聞者愕然。而不知實有先見云。

圓明園

文宗常幸圓明園。並於長春園東北增闢新苑。爲游息處。別啟園門。便御輦出入。故自京至園。皆由西直門者。是時則改由德勝門。文宗常乘肩輿。逕趨新園。取其便也。新築御道。嚴禁行人。臣工進園。仍必至舊宮門。不得趨便。一日。文宗偕懿貴妃。登高眺遠。忽見車騎簇擁而前。直抵新園。詢之。則肅慎也。大怒。命侍衛鞭而逐之。肅順意上素待之厚。何至是。必懿妃以言挑之也。遂銜懿妃甚。懿妃卽後之慈禧太后也。驟乘之禍。起於此矣。文宗庚申北狩。卽由新園起蹕。而兵匪焚劫。亦先由此入。故長春園西洋建築。遭毀最劇。今此新園已無人知。惟舊園猶存此一角。故老每指之以話滄桑。余偶聞其略云。

### 穆宗

穆宗軼事。余前輯清帝外紀。錄自翁文恭日記者多。而未及李越縵日記。以李記多得自傳聞。恐失實也。今輯同光佚聞。與正史不同。不妨錄之。其記停園工。

云。同治十三年八月一日。聞上前閱園工。軍機大臣恭王。御前大臣醇王等。合辭上言八事。曰。停園工。戒微行。遠宦寺。絕小人。警宴朝。開言路。懲夷患。去玩好。疏極危切。俟上出。伏諫痛哭。文相國曾昏絕于地。其疏章出于貝勒奕劻。潤色之者。李尙書也。上大怒。醇王三進見。以死要上。下停園工手詔。上益怒。先有硃諭。盡革醇王。恭王。醇王。伯王。景壽。奕劻。文祥。寶鋆。沈桂芬。李鴻藻。十人職。謂其朋比謀爲不軌。徧召六部尙書侍郎。左都御史。內閣學士。乃宣諭革恭王。親王。兩宮聞之。因出見軍機大臣御前大臣。慰諭恭王。還其爵秩云。所記已多異詞矣。而外傳王慶祺所述尤荒誕可異。慶祺既被斥。輒語人云。穆宗親政後。太后仍多干涉。乃請修園爲頤養計。意在禁隔。使勿再干政耳。竟爲太后所覺。遂致奇變云。此尤駭人聽聞。果如所說。圍切頤和。有先兆矣。慶祺自知獲罪已重。故作妄言以求自解。而不知復自陷於大逆。必不可信也。

穆宗之崩

又穆宗之崩。傳者不一。或云天花。或云內毒。而醫藥不能盡合。兼以激怒。則事亦非無因也。李越縵日記。同治十三年十二月酉刻。上崩。先是十一月朔。太白貫日。上卽以是日痘發。徧體蒸灼。內廷王大臣入問狀。請上權停萬幾。兩宮皇太后裁決庶政。上許之。于是御前大臣軍機大臣等。列議四事以上。其一改引見爲驗放。如初垂簾故事。議者已惡其不祥。未幾以痘痂將結。遂先加恩醫官。左院判李德立。右院判莊守和。六品雜流官也。皆擢京堂。德立至越六級。以三品卿候補。尤故事所無者。旋徧加恩內廷諸王大臣。至先朝嬪御。皆晉位號。凡所施行。俱如易代登極之典。又于大清門外。結壇焚燒采帛車馬。名曰送聖。都人皆竊竊私議。以爲頗似大喪祖送也。上旋患癰。項腹各一。皆膿潰。先十日。已屢昏殆。不知人。于是議立皇子。而文宗無他子。宣宗諸王孫。皆尙少。無有子。若

貝勒載治。宣宗長子。隱志郡王之嗣子也。有二子。幼者曰溥侃。生甫八月。召入宮。將立爲嗣矣。未及而上宴駕。乃止。宮廷隔絕。其事莫能詳也。上幼穎悟。有成人之度。天性渾厚。自去年親政。每臨大祀。容色甚莊。而弘德殿諸師傅。皆帖括學究。惟知勦錄講章。性理膚末之談。以爲敗沃。上深厭之。乃不喜讀書。狎近宦豎。遂爭導以嬉戲游宴。蒞政以後。內務府郎中貴寶文錫。與宦官日侍上。勸上興土木。修園籙。戶部侍郎桂清。管內務府。好直言。先斥去之。耽溺男寵。日漸羸瘠。未及再祺。遂以不起。哀哉。

### 德宗

德宗性奇孝。而不能感慈禧。亦可異也。帝十歲。太后大病。夜禱天。出小刀。欲自割肝以療親。爲內侍所見。奪之下。已血刃矣。太后聞之。漠然無所動。帝幼喜近慈安。太后愈勿樂。常責帝不孝。遇演劇。輒點天雷報。命帝侍觀。故帝幼畏雷。至

壯歲猶然。尤不願觀戲。詳見翁文恭日記。余已輯入清帝外紀矣。帝憚於積威。見太后輒戰慄。雖親政不敢自主。戊戌變法。亦事事請慈旨。太后方園居。厭其煩。遂諭帝但無違祖制。可自酌。帝稍稍得自行其志。左右伺隙即上懇。而變作矣。余嘗以兵劫頤和事。問康南海。怫然曰。烏得有此。我朝以孝治天下。小臣面對誰敢妄言。此皆榮袁輩不學無術。藉危詞以邀權勢耳。德宗惡袁甚。居瀛台。日書其姓名。粉碎之一日。對榮偶有慰諭。榮叩謝。自稱得罪深。不敢求恕。而在太后前常爲帝寬解。李連英亦頗遇事調和。太后怒帝時。常久跪不令起。李每佯責帝而爲請曰。久惹佛嘖曷速去。帝頗感之。帝字下着一感字。所感者又爲腐奄。真有不忍下筆者矣。余遇兩宮由園往返時。承直道差。每見帝迎送慈駕。相距咫尺。輒發奇想。恨不能負之而趨。乘六龍以御天耳。

宣統

宣統嗣立。慈禧命既下。醇親王急歸邸。擁以入宮。其福晉鑒於德宗前轍。堅持不允。王奪之懷中。不顧也。初都中已有傳說。知繼體必醇王子。且有疑醇王將嗣位者。而不意遽定監國攝政之局也。慈禧自信病未必固效。不願立長君。又不願已後再有垂簾之局。初仍擬設議政王。勿遽間。病轉危篤。急召諸大臣入議。攝政之名。實發自袁世凱。而監國二字。則張之洞所擬。倉卒定策。遂兼用之。攝政而又監國。幾不成詞矣。王自慮權位太重。遇事謙遜。並刻章曰。謹守臣節。以示不敢僭越之意。而才識不足以服衆。受制於人。卒至遜政而讓國。前後不出三載。何其速耶。

### 慈安皇太后

慈安皇太后。世稱賢后。余前補光宣列傳。有慈禧而無慈安。因列傳以光宣爲限。慈安雖崩於光緒七年。而久不問政。已無大事可傳。故遂闕之。今輯同光佚

聞不可不補錄焉。相傳慈禧初選入宮。爲常在。常在者。宮女名稱也。實侍慈安。上見而悅之。一索得男。母以子貴。竟與抗禮。慈安不以爲忤。呼之爲妹。及同聽政。遇事謙讓。慈禧遂愈專越。至安得海事出。乃不得不便宜處置。天下頌之。而爲時稱頌者。又有一事。一露禱長跽。光緒三年。迭諭籌賑山西旱災。劉續通考原按。晉豫亢旱。朝廷恩施。晷沛下詔責躬。至有上天降罰。何不移於宮廷之語。聞兩宮皇太后。率皇上露禱。長跽歷三四時之久。仰望星月皎然。至於慟哭。向例祈雨疏文。由翰林院撰進。此次特命南書房恭擬。辭意迫切。不讓桑林。具名稱臣某某氏。率子男某某。亦舛舉也。一曰減膳素食。光緒四年二月二十六日。上諭前奉懿旨。諭令內務府大臣。將宮闈應用。力加裁減。茲據奏稱。近年宮內應修工程。概未傳作。亦無特傳添辦物件。並未濫用。無可裁減等語。我兩宮皇太后。宵旰焦勞。兩奉懿旨。每日早晚膳。減用一半。並用素食。軫念民艱。至誠惻



恒該衙門仍應遵旨力求核實。母稍含混。又諭近年宮廷服用。諸從儉約。江浙織造及粵海關。並無傳辦物件。及進貢珍奇等事。內監人等。倘有閒游街市。及購買珍異者。著內務府隨時稽查。從嚴懲治。以上二事。皆出慈安意也。又傳慈禧久有南巡意。慈安不允。自安得海出京獲罪。李連英赴旅被劾。左右始多顧忌。不敢復言。故誅安得海一事。所關實鉅。世頌明聖。宜哉。

### 慈禧太后

慈禧太后。咸豐年。選入宮。得寵。初號蘭貴人。以小字曰蘭也。旋封懿嬪。晉妃。晉貴妃。穆宗立。尊爲聖母皇太后。德宗立。慈安皇太后崩。始獨聽政。稱慈禧皇太后。宮中呼曰老佛爺。復又曰老祖宗。而外間或以西后那拉氏稱之。余前輯清后外傳。已詳記矣。其軼事多出傳聞。不能盡信。茲記余所目睹者。余保御史。備召見。頗思有所進言。自擬腹稿。不惜犯顏極諫。以一試之。乃未及啟口。卽蒙溫